

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/KANTON SREDIŠNJA BOSNA
KANTONALNO TUŽILAŠTVO/KANTONALNO TUŽITELJSTVO
T R A V N I K

Broj: T06 0 KT 0037629 25

Travnik, 18.06.2025.godine

OPĆINSKOM SUDU U KISELJAKU

-Sudiji za prethodno saslušanje-

Na temelju odredbe člana 45. stav 2. tačka i) i člana 241. stav 1 Zakona o krivičnom postupku Federacije Bosne i Hercegovine, podižem

OPTUŽNICU

Potvrđena dana 23.06.2025.godine

Protiv:

M. K., osuđivan

Što je:

1. Dana 05.05.2025.godine oko 20,20 sati u Kiseljaku, nasiljem, drskim i bezobzirnim ponašanjem, ugrozio mir i psihičko zdravlje svoje supruge sa kojom ne živi u zajedničkom domaćinstvu, na način da je u vidno alkoholiziranom stanju sa 2,25promila alkohola u krvi oštećenoj uputio prijetnju da će je ubiti u dvorištu porodične kuće, a potom je mobilnim telefonskim aparatom gađao, što je ista uspjela izbjeći, nakon čega se zbog straha za svoj mir i zdravlje ista uputila na sprat porodične kuće u naprijed navedenom mjestu koji koristi, kad je za istom došao i uz pomoć čekića-macole ošteti sobna ulazna vrata na spratu kuće u nastojanju da uđe u sobu gdje se oštećena zaključala, svjestan da taj način se drsko i bezobzirno ponaša i ugrožava i mir i psihičko zdravlje oštećene, što je i htio, te nakon što nije uspio ući u sobu oštećene izašao i iz pomoćnog objekta iznio kanister sa gorivom govoreći oštećenoj da će zapaliti porodičnu kuću, nakon čega su došle ovlaštene službene osobe PS Kiseljak i istog lišile slobode po osnovu Zapisnika o lišenju slobode.

Dakle, nasiljem drskim i bezobzirnim ponašanjem ugrozio mir i psihičko zdravlje člana svoje porodice sa kojom ne živi u zajedničkom domaćinstvu.

2. U vremenskom periodu od 06.05.2025.godine do 04.06.2025.godine u mjestu u Kiseljaku, prekršio zaštitnu mjeru po Rješenju Općinskog suda u Kiseljaku zabrana približavanja žrtvi nasilja- supruzi koja je nastanjena na adresi *** na bilo kojem području na udaljenosti manjoj od 100m, što je isti prekršio na način da se približavao žrtvi nasilja na udaljenosti koja je manja od 100m, te prekršio dodatnu zaštitnu mjeru izrečenu po Rješenju Općinskog suda u Kiseljaku,

kojom mu je izrečena dodatna zaštitna mjera udaljenja iz kuće u trajanju od 3 (tri) mjeseca, te prekršio zaštitnu mjeru na način da je nastavio da živi u prizemlju predmetne porodične kuće dok je na spratu živjela oštećena, iako svjestan da je predmetna rješenja preuzeo, te je isti svjesno i htijući prekršio navedene zaštitne mjere po predmetnim rješenjima.

Dakle, prekršio zaštitne mjere izrečene u skladu sa članom 26. tačka a) i b) Zakona o zaštiti od nasilja u porodici i nasilja prema ženama u Federaciji Bosne i Hercegovine.

Čime je počinio u sticaju krivično djelo „Nasilje u porodici“ iz člana 222. stav 1. KZ F BiH i krivično djelo Kršenja zaštitnih mjera iz člana 81. u vezi sa članom 26. tačka a) i člana 26. tačka b) Zakona o zaštiti od nasilja u porodici i nasilja prema ženama u Federaciji Bosne i Hercegovine, a sve u vezi sa članom 54. KZ F BiH.

U skladu sa odredbom člana 75. stav 1. KZ F BiH da se osumnjičenom izrekne sigurnosna mjera obaveznog ličenja od ovisnosti od alkohola jer isti predmetna krivična djela čini u alkoholiziranom stanju, pa postoji opasnost da će zbog te ovisnosti i ubuduće činiti krivična djela.

KANTONALNA TUŽITELJICA

Poštovani predstavnici medija, molimo Vas da prilikom prenošenja vijesti imate u vidu da osobe na koje se odnose vijesti i informacije iz Kantonalnog tužilaštva Travnik, imaju status osumnjičenih ili optuženih osoba. Podsjećamo na načelo presumpcije nevinosti koje definiše da se niko ne može smatrati krivim dok mu se krivica ne dokaže pravosnažnom presudom